

Naqqiut

Siunnersuut 3. marts 2016-imeersaq taarserpaa

Ilanggussaq 1-imi, Kalaallit Nunaanni sulisilluni ajoqusersinnaanermut isumannaarineq pillugu inatsisip allangortinneqarnissaa pillugu inatsisissatut siunnersuut, iluarsisooqarpoq. Ilanggussaq 1 nassuiaatini ilanngunneqarpoq aammalu aalajangiiffigisassatut siunnersuutip qulequtaata nutsernera iluarsineqarluni.

Inatsisartut Suleriaasianni § 33 naapertorlugu aalajangiiffigisassatut siunnersuut manna matumuuna Naalakkersuisut saqqummiuppaat:

Uunga siunnersuut: Kalaallit Nunaanni sulisilluni ajoqusersinnaanermut isumannaarineq pillugu inatsisip allangortinneqarnissaa pillugu inatsisissatut siunnersuummut Namminersorlutik Oqartussat oqaaseqaateqarnissaat pillugu Inatsisartut aalajangiiffigisassaattut siunnersuut

(Inuussutissarsionermut, Suliffeqarnermut, Niuernermut Nunanullu Allanut Naalakkersuisoq)

Tunngavilersuut

Inatsisissatut siunnersuummi matumani siunertaavoq Arbejdsskadestyrelsen aamma Arbejdsmarkedets Erhvervssygdomssikringip Kalaallit Nunaanni sulisilluni ajoqusersinnaanermut isumannaarineq pillugu inatsimmut tunngatillugu suliassaasa sullissivimmuut nutaamut Arbejdsmarkedets Erhvervssikringimut nuunneqarnissai.

Tunngaviusoq

Danskit naalakkersuisui aalajangerput Arbejdsmarkedets Tillægspension-imut atatillugu sullissivik imminut pigisoq »Arbejdsmarkedets Erhvervssikring«, pilersinniarlugu. Arbejdsmarkedets Erhvervssikring-ip inatsisip ullumikkut Arbejdsskadestyrelsimi aqunneqartut malillugit inuit ajoqusernerinut suliat ataasiakkaat kiisalu suliassaqarfiit taakkununga atasut suliarineqartarneri pillugit Arbejdsskadestyrelsen maannakkut suliai tamaasa tigussavai.

Aallaaviatigut maannakkut sinaakkusiussat iluanni ingerlatsinerup qulakkeerneqarnissaa pineqarpoq. Kalaallit Nunaanni sulisilluni ajoqusernermut suliassaqarfiup aqunneqarnera Nuummi Arbejdsskadestyrelsen Sulisilluni Ajoquserneq pillugu Sullissiviani isumagineqarpoq. Taamaalilluni naatsorsuutigineqarpoq Nuummi Sulisilluni Ajoquserneq pillugu Sullissiviup maannakkut atuuttup,

Kalaallit Nunaanni sulisilluni ajoqusersinnaanermut isumannaarineq pillugu inatsisip aqunneqarneranut tunngatillugu maannakkut suliassanik suliarinnittarnera ingerlaannassasoq.

Imai

Inatsisissatut siunnersuut inatsisip imarisaannik allatigut allannguuteqartitsinissamik imaqaanngilaq, taamaalillunilu ajoqusertut imaluunniit sillimmasiisarfiit Kalaallit Nunaanni sulisilluni ajoqusersinnaanermut isumannaarineq pillugu inatsit malillugu pisinnaatitaaffiinik pisussaaffiinillu allannguuteqartitsinernik imaqarani, taamatullu suliat ataasiakkaat suliarineqartarnerannut tunngatillugu maannakkut inatsisitigut illersugaanermut aalajangersakkat tamarmik atuutsiinnarneqarput.

Tassani pineqarput Arbejdsmarkedets Erhvervssikring-imit aalajangiinerit Ankestyrelsimut suliassanngortitsinissamut pisinnaatitaaffeqarnissaq kiisalu inatsisit ingerlatsinermut tunngasut nalinginnaasut kiisalu ingerlatsinermut inatsisit, pisortat ingerlatsinerannik paasitinneqarsinnaatitaanermut inatsisit, inuit pillugit paasissutissanut inatsit aamma Folketingip Ombudsmandia pillugu inatsit il.il. malillugit inatsisitigut illersugaanerup qularnaatsuunissaa. Maannakkut Arbejdsskade styrelser aamma Ankestyrelser aalajangiinerinik eqqartuussivimmu suliakkiisinnaanermut periarfissaqarneq taamatuttaaq atuutsiinnarneqarpoq.

Taarsiinissamut akisussaasuunermut inatsit malillugu suliani aamma namminersortut ajutoornissamut sillimmasiissutaat pillugit suliani ilitersuutitut oqaaseqaateqartarnerit, sulianik eqqartuussivimmi suliarinninnermi, sulianut ilisimasallit oqaaseqaataattut aamma suli ilaatinneqarsinnaassapput.

Inatsisissatut siunnersuummi aamma Arbejdsmarkedets Erhvervssygdomssikring-ip sullissivittut namminersortut atorunnaarsinneqarnerata, aammalu Arbejdsmarkedets Erhvervssygdomssikring-ip suliassaasa tamatumunnga taarsiullugu Arbejdsmarkedets Erhvervssikring-imit nuutinneqarnerisa malitsigisaanik arlalinnik sunniutaasunik allannguuteqartitsisoqarpoq. Taamaattoq Arbejdsmarkedets Erhvervssikring-ip inuussutissarsiortut napparsimanerinit tunngatillugu aalajangiinerisa naammagittaalliuutigineqartarnerannut tunngatillugu aalajangiisinnaatitaaneq ATP-imit siulersuisunut inissinneqarluni.

Tamatuma saniatigut inatsisissatut siunnersuummi siunnersuutigineqarpoq, inatsimmi atuuttumi Arbejdsskade styrelser pisortaanut piginnaatitsissuteqarnerit suliffissaqartitsiniarnermut ministerimut nuunneqassasut. Taamaaliornermi piginnaatitsissuteqarnerit atorneqarneranni Namminersorlutik Oqartussat akuutinneqartarnerannut maannakkut suleriaatsimi allannguuteqartitsinissaq eqqarsaatigineqanngilaq.

Namminersorlutik Oqartussanut aningaasaqarnikkut sunniutaasussat

Siunnersuut Namminersorlutik Oqartussanut imaluunniit Kalaallit Nunaanni kommuninut aningaasaqarnikkut imaluunniit allaffissornikkut sunniuteqassagatinneqanngilaq. Naatsorsuutigineqarpoq suliassa qarfiup allaffissornikkut aqunneqarneranut aningaasartuutit, aningaasaqarnikkut killissaliussat allannguuteqanngitsut iluanniitinneqarsinnaassasut.

Inuussutissarsiortunut il.il. aningaasaqarnikkut allaffissornikkullu sunniutaasussat

Kalaallit Nunaanni sulisilluni ajoqusersinnaanermut isumannaarineq pillugu inatsisip allannguuteqartinnissaa pillugu inatsisip atuutilerana inuussutissarsiortunut innuttaasunullu aningaasaqarnikkut sunniuteqassanngilaq.

Tusarniaaneq

Siunnersuut Namminersorlutik Oqartussat tusarniaanermut nittartagaanni ulloq 25. februar 2016 tikillugu tusarniaassutigineqarpoq.

Inassuteqaat

Naalakkersuisut tamanna tunngavigalugu inassutigissavaat, Kalaallit Nunaanni sulisilluni ajoqusersinnaanermut isumannaarineq pillugu inatsisip allannguuteqartinneqarnissaa pillugu inatsit Kalaallit Nunaannut atuutsinneqalissasoq.